

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-21-000 303-2

Datum, 16. juni 2021. godine

Na osnovu člana 31. Zakona o sudovima u Federaciji Bosne i Hercegovine („Sl. novine Federacije Bosne i Hercegovine“ broj: 38/2005, 22/2006, 63/2010, 72/2010 - ispr., 7/2013 i 52/2014), predsjednik Kantonalnog suda u Tuzli **d o n o s i**

JAVNU LICITACIJU

za prodaju motornih vozila prikupljanjem pismenih ponuda

Predmet prodaje:

Predmet javne licitacije je prodaja sljedećih putničkih motornih vozila:

1. **Putničko motorno vozilo Golf III**, volkswagen, godina proizvodnje 1997, boja vozila plava, radni obim motora cm3 1390, maksimalna snaga (kw) 44, vrsta goriva benzin, eko karastika EURO 2, broj šasijske: WVWZZZ1HZWB071200, broj vrata 4/5, neregistrovan, pređeni kilometri cca 200.000 km.
Početna cijena vozila: 515,00 KM.
2. **Putničko motorno vozilo Golf III**, volkswagen, godina proizvodnje 1997, boja vozila zelena, radni obim motora cm3 1896, maksimalna snaga (kw) 66, vrsta goriva diesel, eko karastika EURO 2, broj šasijske: WVWZZZ1HZWD117138, broj vrata 4/5, neregistrovan.
Početna cijena vozila: 975,00 KM.

Pravo učestvovanja:

Pravo učestvovanja na javnoj licitaciji imaju domaće fizičke i pravne osobe.
Pravo učestvovanja na javnoj licitaciji nemaju zaposlenici Kantonalnog suda u Tuzli i članovi njihove uže porodice.

Pregled motornih vozila:

Motorna vozila se mogu pogledati na parkingu suda u razdoblju od 17.06.2021. godine do 25.06.2021. godine radnim danom od 11,00 do 15,00 sati, na adresi Maršala Tita br. 137. Tuzla, uz obveznu najavu na broj telefona 035-307-100.

Kontakt osoba: Mensur Gulamović

Dostavljanje ponuda

Ponude se dostavljaju, u zapečaćenoj i neprovidnoj koverti, sa imenom i adresom ponuditelja ili firmom, ukoliko se radi o pravnom licu, na kojoj će pisati sljedeće riječi: "Ponuda za prodaju motornih vozila putem licitacije – ne otvarati".

Ponuda se dostavljaju za svako pojedinačno vozilo navedeno u pozivu.

Ponude koje nisu prispjele ili predate na protokol Kantonalnog suda u Tuzli do naznačenog roka za dostavljanje ponuda, bez obzira kada su poslane, neće se uzeti u razmatranje.

Ponude se dostavljaju do 28.06.2021. godine do 10:00 sati.

Javno otvaranje ponuda u prisutnosti zainteresiranih ponuđača održat će se u prostorijama Kantonalnog suda u Tuzli dana 28.06.2021. godine u 11:00 u Ulici Maršala Tita br. 137.

Javnom otvaranju ponuda mogu prisustvovati ponuđači lično ili putem ovlaštenih punomoćenika, ukoliko se radi o fizičkoj osobi, odnosno, ovlaštena osoba ili njegov punomoćenik, ukoliko je ponuđač pravna osoba.

Sadržaj ponude

Ponuda sadrži sljedeće:

Podaci o fizičkom licu (ime i prezime, adresa, adresa e-pošte, broj telefona, kopija lične karte);

Podaci o pravnom licu (naziv i sjedište pravnog lica, ovlaštena osoba, kontakt osoba, adresa, adresa e-pošte, broj telefona, ovjerena kopija aktualnog izvoda iz sudskog registra nadležnog suda, ovjerena kopija uvjerenja o poreznoj registraciji, broj transakcijskog računa);

Iznos ponude u KM;

Ponuda mora biti potpisana od strane ponuđača, a ako je ponuđač ponude pravna osoba, ista mora biti potpisana od strane ovlaštene osobe i ovjerena pečatom pravne osobe.

Tok licitacije

Licitacija se provodi kroz sljedeće korake:

- Registracija ponuđača;
 - prezentiranje sadržaja javnog poziva na sudjelovanje u licitaciji od strane predsjednika komisije,
 - pozivanje sudionika da pristupe otvaranju ponuda;
 - otvaranje ponuda.
- proglašavanja pobjednika

Pobjednikom licitacije se proglašava ponuđač koji dostavi najvišu cijenu ponude, koja mora biti ista ili viša od početne vrijednost.

Ukoliko se javnom pozivu odazvao samo jedan ponuđač za vozilo koje je predmet prodaje, i ako je ponudio cijenu koja je ista ili viša od početne cijene utvrđene u javnom pozivu, proglašava se pobjednikom licitacije za to vozilo.

Ako su za vozilo dva ili više ponuđača dostavila istu cijenu koja je ujedno i najviša cijena ponude, pobjednikom licitacije za predmetno vozilo proglašava se onaj ponuđač koji je ranije dostavio ponudu po datumu i vremenu, a prema prijemnom štambilju otisnutom na ponudi.

Nakon zaključenja licitacije, utvrđuje se lista ponuđača koji su ponudili cijenu iznad minimuma, te se konstatira da je vozilo koje je predmet prodaje prodano najpovoljnijem ponuđaču.

Po proglašenju pobjednika licitacije, članovi Komisije i ponuđači, odnosno njihovi opunomoćenici potpisuju zapisnik o licitaciji.

Obaveze kupca


Prodaja se vrši po načelu „videno-kupljeno“, bez naknadnih prigovora i žalbi koje se odnose na predmet prodaje, a primopredaja će se izvršiti odmah po predočenju dokaza o izvršenoj uplati i potpisivanja ugovora o kupoprodaji.

Ponuđač, čija ponuda bude prihvaćena, odnosno kupac, dužan je uplatiti iznos za kupljeno vozilo u roku od 7 dana od dana proglašenja pobjednikom licitacije, nakon čega će, uz prezentaciju dokaza o uplati, s njim biti zaključen ugovor o kupoprodaji.

Ako kupac odustane od kupovine, odnosno ne pristupi sklapanju ugovora, ugovor će sklopiti sa sljedećim najpovoljnijim ponuđačem.

Sve poreze i troškove oko prenosa vlasništva snosi kupac.

Kupac je dužan kupljeno vozilo preuzeti najkasnije 5. dana od dana potpisivanja ugovora.



PREDSJEDNIK SUDA

Indira Hadžimehmedović